



# B I L T E N

2014

Dom za socijalno-zdravstvenu zaštitu odraslih lica  
NAŠ DOM d.o.o. Travnik



Radi očuvanja duge tradicije i stečenog ugleda, povjerenja i stalnog unapređenja, sveukupnog poslovanja, Dom za socijalno-zdravstvenu zaštitu odraslih lica "Naš dom" d.o.o. je realizovao projekat razvoja, primjene stalnog unapređenja Sistema upravljanja kvalitetom prema zahtjevima standarda BAS EN ISO 9001

Naš glavni cilj i pokretač jeste zadovoljan i sretan korisnik



Direktor

Muhamed Musemić dipl. soc. radnik

Bilten Dom za socijalno-zdravstvenu zaštitu odraslih lica "Naš dom"

Adresa: Tvornička br. 68., 72 270 Travnik

Tel.: 030 517 510, 030 517 530

E-mail: direktor@nasdom.ba

Glavni i odgovorni urednik: Dušan Đurović

Za izdavača: Muhamed Musemić

Tehnički urednik: Merima Musemić

Redakcija: Azra Pripoljac, Merima Musemić, Fatima Sarač, Zorica Filipović

Spoljni saradnici: Travnički INFO, Agenciji za promociju DAN i Kanal 6

## O nama



Od septembra 1935. godine do danas, naša Ustanova je prošla kroz nekoliko oblika organizacije. Najvažnija promjena desila se 8. novembra 2002. godine kada većinskim vlasnicima postaju radnici, a ustanova počinje da funkcioniše pod imenom "NAŠ DOM".

Naša Ustanova osnovana je 15. Septembra 1935 godine, pod nazivom Uboški Dom sa tadašnjim kapacitetom 30 ležaja za potrebe općine Travnik.

Najstariji je u Bosni i Hercegovini, sa najdužom tradicijom u Socijalno-zdravstvenom zbrinjavanju odraslih lica.

Nakon uspješne privatizacije, od 08. novembra 2002. godine, većinski vlasnici su radnici, a Ustanova od tada dobija naziv dostojan življenja i boravka u njemu: "NAŠ DOM".

Svakako treba napomenuti da je ovo prvi savremeni privatni dom na prostoru Bosne i Hercegovine.

Osnovna djelatnost Našeg Doma je Socijalno-zdravstvenom zbrinjavanje starih, mladih nepokretnih osoba kao i osoba sa blagom mentalnom retardacijom.

O korisnicima Doma se 24 sata brine 61 stalno zaposlenih radnika

Kapacited Doma je 280 korisnika starosti od 26 – 95 godina.

Naš Dom se nalazi na adresi:

ul. Tvornička br. 68.

***Svakako treba napomenuti da je ovo prvi savremeni privatni dom na prostoru cijele Bosne i Hercegovine.***

, raspoređenih u 7 službi: socijalna, medicinska, računovodstvena, tehnička, higijenska služba, kuhinja, vešeraj





# Ljubavi iz Našeg doma

## Vjenčanje Habibe i Mehmeda

Dokaz da ljubav ne poznaje granice, da je veličanstvena i da je ljudima u prirodi, potvrdili su, naš Mehmed Karajko i Habiba Redžić. Naime, oni su dana 27.05.2014 godine, nakon 11 godina provedenih zajedno, odlučili da svoju ljubav ozvaniče svečanim činom vjenčanja.

Da je dan bio prelijep, potvrdilo nam je dobro raspoloženje kod korisnika i uposlenika doma. Imali smo izvrsno provedeno vrijeme, odličnu organizaciju, svečanu atmosferu, a u zraku ljubav naših Mehmeda i Habibe.

Dan je bio izuzetan za sve nas, jer je u čast pomenutom paru, za korisnike i uposlenike Doma pripremljen svečani ručak.

Našoj Habibi i Mehmedu, mnogo zdravija, ljubavi i sreće u zajedničkom životu od srca žele korisnici i uposlenici.

*“U našem okruženju, među drugim sličnim ustanovama, izdvaja se Naš dom Travnik...”*

### U posjeti: “Naš dom” Travnik

(Drugi o nama - portal [Travnicki.info](http://Travnicki.info))

Svaki period života ima svoje specifičnosti, a prema njima je potrebno graditi i adekvatne uvjete, neophodne za zadovoljenje potreba grupe određene životne dobi.

Treća životna dob, u odnosu na sve druge, iziskuje posebnu njegu, koju je u porodičnom okruženju teško, ili gotovo nemoguće u potpunosti sprovesti.

Specijalizirane ustanove nude takve uvjete boravka koji uključuje i kompletnu medicinsku njegu.

U našem okruženju, među drugim sličnim ustanovama, izdvaja se Naš dom Travnik.

Posebnu pažnju, osim dugogodišnje tradicije, namjenski izgrađenih objekata, i uređenog prostora koji ga okružuje, ipak čini kvaliteta usluga zavidnog nivoa.

Posebna pažnja posvećuje se adekvatnoj zdravstvenoj zaštiti, poštuju se sve specifičnosti svakog korisnika i u tom smislu su organizirali rad.

Travnicki.INFO







## Na mjestu nekadašnje "Rayderice" izgrađen novi objekat

Kapacitet našeg novog objekta je 40 ležaja, a smještaj je po visokim evropskim standardima.

Radi očuvanja, tradicije, stečenog ugleda, povjerenja i unapređenja usluga korisnika Naš Dom d.o.o Travnik, krajem prošle godine pustio je u funkciju novosagrađeni objekat, prije svega zbog poboljšanja kvalitete usluge, a na taj način smo zasigurno doprinijeli zadovoljstvu naših korisnika.

Prvi korisnici su se uselili, kapacitet novog objekta je 40 ležaja a uposlenici su neizmjereno ponosni na ovaj objekat jer su ga izgradili isključivo vlastitim sredstvima, svojim upornošću, trudom i radom.

Nema većeg zadovoljstva nego kad vidite da se vaš trud isplatio, svojim korisnicima su ponudili nešto novo, jer je smještaj na zavidnom nivou, po evropskim standardima, a da je dobro to što smo uradili potvrđuje činjenica da se za smještaj u novi objekat traži mjesto više.

Evo šta o novom objektu, usluzi i životu u Našem domu kažu sami korisnici:

**MARA VELAJA:** "Prije dolaska u dom bila je domaćica, radila je u Bugojnu u fabrici "Slavko Rodić". Otišla je u penziju. Ima dva sina, jedan je umro, dok drugi živi sa porodicom u Kanadi i dobro je situiran. Ponosna je baka dva unuka i unuke, jedno

***Ponosna je baka dva unuka i unuke, jedno vrijeme živjela je u Kanadi...***

vrijeme živjela je sa njima u Kanadi, a potom poželjela da se vrati u svoju Bosnu. Na prijedlog svog sina došla je u Dom.

"Ovo je najljepši dom u Bosni i Hercegovini"- kaže Mara. Prije svega je poželjela da se zahvali našem direktoru Muhamedu,

našoj Azri, zatim glavnoj sestri, mladoj Azri tj.(Merimi), našim spremačicama koje se uvek trude da nam sve bude čisto.

Ona je prva useljena u novi objekat, nastarija je korisnica. Devedeset-trogodišnja Mara, svoje slobodno vrijeme organizuje tako što sve oko sebe pospremi sama, voli da se rekreira, rado raspredi tacne u trpezariji, dosta šeta i provodi vrijeme u šadrvanu.

Zahvalna je Bogu što je pokretna, veoma

***"Ovo je najljepši***

***Dom u BiH"***

je pozitivna i draga osoba, zato je od svojih kolegica dobila nadimak "Legenda". Toliko sam zavoljela ovaj Dom, ovo je moja kuća, ne bi poželjela, više, jednostavno lijepo mi je. Zahvalna sam svome sinu i nevjesti što plaćaju za mene ovako lijep i udoban smještaj.

Provešće svoju starost ovdje, kako najbolje može, kaže razdragana Mara.

**NUMO BULIĆ** je sam odlučio da dođe u Dom nije želio nikome smetati. Ovdje ima najbolju udobnost i sigurnost. Kroz osmeh kaže da ima godina "čudo", 85. mu je, dobro ga služi zdravlje. Bio je poljoprivrednik. 17 godina radio je u Austriji, dobro je zaradio. Redovno isplaćuje svoje obaveze, ne duguje nikom ništa, ima za sebe džeparac. Bezbrizan je ima redovnu ishranu i održavanje lične higijene što mu mnogo znači. Svoje slobodno vrijeme provodi tako što pjeva i veliki je veseljak.

**MILIJANA ADŽAIP** iz Doma donosi jako lijepe utiske. Do sada, svi me cijene, lijepo se odnosim i ja prema njima i oni prema meni, čine mi ono što mi je potrebno na veliko zadovoljstvo. Meni se ovdje sve sviđa, i osoblje i cimerka. Ovdje se osjećam kao u nekom dobrom društvu kome pripadam.

Došla sam iz Šipova, 85. godina imam. Prije rata nisam bila zaposlena, bila sam domaćica, bavila se pčelama. Svi Travničani

su znali da sam pčelar i sa njima sam išla na zajednička druženja. Želim da kažem da sam bez ičijeg pritiska odlučila da dođem u Dom, jednostavno željela sam da promijenim sredinu. Svoje slobodno vrijeme provodim tako što odradim obaveze oko lične higijene, prošetam po hodniku nekoliko puta, gledam televizor i vrijeme mi prođe. Sve u svemu nikakih problema nema, sve je fino, ja sam do sada zadovoljna.

**JELA MAGUŠIĆ** Zadovoljna i bez brige sam. Imam pojesti, popiti, uvijek sam u čistom, okupana, počešljana, frizirana. - šta nam više treba. Ovo je spas za jednu



***Zadovoljna i bez brige sam. Imam pojesti, popiti, uvijek sam u čistom, počešljana - Šta nam više treba?***

ženu koja živi sama i nije u mogućnosti platiti nekom da ti donese čašu vode ili ti skuha supicu. Sada ništa ne radim. Pravi sam penzioner, umijem se, počešljam, operem zube. Sve nam se donese na gotovo. Možemo prošetati i odmarati kad god nam to odgovara.

***"Sad ništa ne radim, pravi sam penzioner..."***



***"Slobodno vrijeme provodi tako što pjeva..."***







# Dio naših aktivnosti u 2014. godini

Želja nam je da uspijemo u namjeri da korisnicima Našeg doma nijedan dan ne liči na onaj prethodni. U tu svrhu, uz pomoć naših prijatelja, svakodnevno osmišljavamo aktivnosti i sadržaje kojima taj naum i ostvarujemo.

## 07.01.2014. - Obilježili smo božićne praznike

Tradicionalno, u Našem Domu obilježeni su božićni praznici. Našim korisnicima, poslovnim partnerima i svim dobrim ljudima, pravoslavne vjeroispovijesti, čestitali smo Badnjak i predstojeći pravoslavni Božić.

## 30.01.2014.- Posjeta dopredsjednika F BiH

Dopredsjednik Federacije Bosne i Hercegovine, gospodin Svetozar Pudarić, dio svoje posjete Travniku, odvojio je i za posjetu našoj ustanovi. Tokom obilaska Našeg doma i kroz razgovor sa direktorom g-dinom Muhamedom Musemićem, dopredsjednik je upoznat sa problematikom doma, tj sa dugovanjima od strane kantona prema Našem domu, kao i sa realizovanim projektima. Zahvaljujemo se za posjetu i iskazano razumjevanju za situaciju u kojoj se dom nalazi.

## 07.03.2014.- 8. mart obilježen i kod nas

Povodom Međunarodnog dana žena, kao i prethodne dvije godine, članovi Vijeća učenika Mješovite srednje škole "Travnik" posjetili su 160 žena, korisnica usluga i uposlenica "Našeg Doma", te im donijeli još jedan osmijeh na lice. Vijeće učenika MSŠ "Travnik" je još jednom pokazalo kako lijepa gesta može usrećiti čovjeka.

## 18.03.2014. - Posjeta udruženja "Emina"

Tradicionalno, već četvrtu godinu, vrijedne žene iz Udruženje žena "Emina" Turbe obilaze korisnike Našeg Doma. Zahvaljujemo im se na divnim trenucima koje prirede za sve korisnike, jer su prepuni ljubavi, sreće, zadovoljstva i zabave. Posebno ističemo veliki trud koji članice ovog Udruženja uložile kako bi nas uvijek iznova počastile kolačima, zabavom i dobrom atmosferom.

## 17.03.2014. Preminula je naša Slavica

Poslije kraće bolesti, iznenada je preminula naša draga uposlenica, Slavica Hadžić. Sjećanje na ovu divnu osobu neće izbljediti.

## 27.03.2014. Posjeta učenika travničke Medrese

Sekcija humanitarnog rada Elči Ibrahim-pašine medrese u Travniku organizirala je posjetu „Našem domu“ Travnik, a u okviru manifestacije „Dani općine Travnik“, pod rukovodstvom prof. Ahmeda Omerdića.

## 19.04.2014. - Obilježeni Uskrs i Vaskrs

Naši korisnici, uposlenici, poslovni partneri i svi dobri ljudi, katoličke i pravoslavne vjeroispovijesti, obilježili su Uskrs i Vaskrs.

## 19.06.2014. - Proljetni izlet na Rostovo

Sa prvim ljepšim vremenom organizovan je proljetni izlet za naše korisnike. Tradicionalno, u proljeće posjećujemo neko od obližnjih izletišta, a ove godine smo bili na Rostovu u Etno selu "Babići".

Korisnici su bili prezadovoljni lijepim vremenom, ručkom na otvorenom, a cijelo vrijeme nas je pratio fantastični duo iz Bugojna, koji su bili pravi ugođaj za uho i dušu. Da bi sve proteklo u savršenom redu bilo je zaduženo ljubazno osoblje Etno sela "Babići".

## 24.06.2014.- Posjeta drage porodice Majser

Naš dom je posjetila gospođa Safa Majser sa kćerkama Sabinom i Selvedinom. Tom prilikom, naše drage gošće su uručile prigodne poklone za sve smještene korisnike. Inače, posjeta gospođe Majser našim korisnicima postala je tradicija jer nas već nekoliko godina za vrijeme mjeseca Ramazana obraduje svojim dolaskom. Koristimo ovu priliku da gospođi Safi i njenoj porodici u ime svih korisnika i uposlenika najtoplije zahvalimo za izuzetno human gest i da im zaželimo puno zdravlja, sreće i ličnog blagostanja.

## 27.06.2014.- Bajramska čestitka

U povodu Ramazanskog bajrama, uputili smo iskrene čestitke našim korisnicima, uposlenicima, poslovnim partnerima i svim dobrim ljudima, sa željom da praznik proslavite u miru, radosti, sreći i blagostanju uz riječi Bajram Šerif Mubarek Olsun.

## 05.08.2014.- Posjeta džemata Kalibunar

Drugi dan Bajrama, Aljo ef. Cikotić, prijatelj Našeg doma, organizovao je posjetu ovoj ustanovi kako bi se i na taj način obilježio Bajram. U pratnji je bio hor "Dženetske ptice", koji je svojim programom upotpunio svečanu atmosferu. Prisutni su bili i prijatelji i poslovni partneri doma, muzički duo "Smajis i Tata", te gospodin Bego Zahirović sa porodicom. Zahvaljujemo im se za ugodno druženje.

## 15.09.2014.- Naša godišnjica postojanja

Danas smo napunili 79 godina postojanja Našeg doma, pripreme za jubilaru, 80. godišnjicu su već započele.

## 01.10.2014.- Međunarodni dan starijih osoba

Danas je u Našem Domu obilježen Međunarodni dan starijih osoba. Organizovan je svečani ručak, a nakon toga, zahvaljujući lijepom vremenu u dvorištu našeg kompleksa upriličena je zabava uz muziku.

## 19.11.2014.- Rođendanska slavlja

Tradicionalno, uposlenici Našeg doma svakoga mjeseca organizuju rođendanska druženja za korisnike koji u tom mjesecu slave rođendane. Za naše korisnike rođene u 11 mjesecu organizovano je rođendansko slavlje uz prijatno druženje, prepuno slanih i slanih iznenađenja.

Tokom 11. meseca, u cilju što kvalitetnijeg rada, a samim tim i bolje usluge, Naš dom je izgradio tunel kojim je spojen novi objekat. Tunnel osigurava nesmetano kretanje za lošeg vremena, ali i sigurnu dostavu obroka za korisnike.

-za potrebe vešeraja stigla je nova, profesionalna veš mašina.

-sobe na centralnom odjelu dobile su nove ormare

-zaposleni su dobili nove uniforme

Na praksi u Našem Domu bili su studenti Zdravstvenog fakulteta "Sveučilišta/Iniverziteta Vitez" Travnik.

## 03.12.2014.- Posjeta sekcije Crvenog križa

Članovi sekcije Crvenog križa Srednje tehničke škole Travnik, predvođeni profesoricom Šehzadom Hafzadić posjetili su Naš dom i tom prilikom korisnike obradovali divnim poklonima. Zahvalni smo tim mladim ljudima i njihovoj profesorici na ovom divnom gestu

## 05.12.2014.- Posjeta volontera ASuBiH i CEM-a

Naš Dom su posjetili volonteri Lokalnog tima ASuBiH i Centra za edukaciju mladih, gdje su vrijedno radili na premještaju biblioteke ali i na dekoraciji novog objekta za predstojeće praznike na čemu smo im veoma zahvalni.

## 09.12.2014.- Posjeta KJU "Gerontološki centar"

Naš Dom su posjetili dragi prijatelji, uposlenici K.J.U. "Gerontološki centar" iz Sarajeva. U ugodnoj atmosferi sa gostima su razmjenjena iskustva u radu, a obišli su naš objekat i razgovarali sa korisnicima. Utisci su sjajni sa željom da se ovo druženje nastavi i u narednom periodu na obostrano zadovoljstvo.

## 11.12.2014.- Posjeta učenika osnovnih škola

U susret Božićnim i Novogodišnjim praznicima, sada već tradicionalno, u gostima su nam bili naši dragi prijatelji iz Osnovnih škola "Petar Barbarić" iz Travnika i "Dubravica", iz Viteza, zajedno sa svojim učiteljima. Ova divna djeca su izvela prelijep kulturno-umjetnički program.

Mnogima su izmamili osmijeh na lice, što je gostima i bio cilj. Naši mali prijatelji su za sve donijeli razne slane i slatke poklone, koje su njihovi roditelji i profesori s ljubavlju spremili samo za nas.

Bilo je ovo usitnu lijepo druženje sa ovim divnim mladim ljudima i njihovim učiteljima.

Svaki korisnik je od mališana dobio divnu novogodišnju čestitku kao uspomenu na današnji dan.

Našim gostima, veliko hvala, u ime korisnika i uposlenika Našeg Doma.







## Radno okupacione terapije korisnika u Našem Domu

Zbog činjenice da radno okupacione terapije smanjuju napetost, pozitivno utječu na psihi i depresiju, trudimo se da naše korisnike angažujemo u što većem broju.

Obzirom na populaciju koja boravi u Našem domu, radno okupacioni tretman nosi i neke specifičnosti. Iz tog razloga korisnike animiramo u onim aktivnostima u kojima mogu pružiti maksimum, ali zasnovanom prvenstveno na dobrovoljnom pristanku samog korisnika.

Svaki dan angažovano je 20 korisnika na različitim aktivnostima. Angažovani su kao ispomoć medicinskom osoblju i servirkama na odjelima u hranjenju korisnika, u radu na održavanju čistoće unutar Doma, kao ispomoć u radu u vešeraju Doma. Naravno moramo napomenuti da za uređenost našeg dvorišta, za koje svakodnevno dobivamo čestitke građana i posjetilaca, brinu naši korisnici.

Svojim angažovanjem u radu korisnici svakodnevno doprinose kolektivu u kojem borave. Na taj način korisnicima želimo vratiti i ponovo razviti osjećaj vrijednosti, odgovornosti i samopoštovanja.

Za svoj radni angažman korisnici dobivaju novčane nadoknade, kao nagradu za uloženi trud i stimulaciju za daljni angažman.

Korisnicima koji nisu u mogućnosti da budu radno angažovani u gore navedenim aktivnostima, pružamo mogućnost angažovanja kroz aktivnosti: pletenja, heklanja, vezenja, slikanja i sl. Radovi

koje korisnici ostvare kroz ove aktivnosti, često nam služe za ukrašavanje unutrašnjeg prostora u vrijeme obilježavanja svih bitnih datuma (vjerski i državni praznici) a nerijetko nam posluže i kao pokloni za naše goste.

U šest dnevnih boravaka unutar Doma korisnici mogu pratiti TV program, družiti se uz razgovor, igrati društvene igre i sl. Korisnicima je također dostupna i biblioteka, u kojoj je pored razne tematike knjiga dostupna i dnevna štampa, a o svemu vezano za biblioteku brine se naša korisnica, dostupan je i Internet klub.

Ljetni period većina korisnika provede odmarajući se u prelijepom ambijentu našeg dvorišta.

U skladu sa svojim finasijskim mogućnostima, posebno u ljetnom periodu nastojimo omogućiti korisnicima jednodnevne izlete u okolici Travnika i na taj način unijeti više vedrine u njihov život.

Prilog pripremila: Azra Pripoljac



### Najbolji od najboljih

U cilju pružanja što kvalitetnije usluge našim korisnicima, a na prijedlog direktora Našeg doma, svakog mjeseca biramo najboljeg radnika.

Na taj način motivišemo, stimuliramo i nagrađujemo posebno zalaganje svakog pojedinca.

Tokom 2014. godine izdvojili su se:

1. Amra Kahvedžić, medicinska sestra
2. Mirsada Lozić, higijeničarka
3. Azra Pripoljac, dipl. socijalni radnik
4. Senad Bahhodžić, šef kuhinje
5. Loran Kopčalića, medicinski tehničar

6. Dino Bahhodžić, kuhar
7. Admir Popaja, njegovatelj
8. Salih Salihović, tehnička služba
9. Fatima Šiljak, medicinska sestra
10. Senada Zelkanović, higijeničarka
11. Amela Grahić, medicinska sestra
12. Alma Hadžić, medicinska sestra

Radnik za 2014. godinu je:

**Azra Pripoljac, dipl. socijalni radnik**







## U susret Božiću

U želji da svojim korisnicima osiguramo zadovoljavanje svih, pa i vjerskih potreba, Naš dom dugi niz godina uspješno saraduje i sa Župnim uredom u Travniku.

Dolaskom u Dom ne prekidaju se ustaljene navike kakve su korisnici imali ranije, pa je u našoj ustanovi za njih upriličena Sveta misa uoči božićnih i novogodišnjih blagdana.

Misu je služio monsinjor Mato Janjić, župnik u Travniku.





# Posjeta učenika Osnovne muzičke škole Travnik

Tradicionalno, uoči Nove godine Naš dom posjećuju učenici i nastavnici Osnovne muzičke škole Travnik.

I ovaj put su za naše korisnike pripremili prigodan muzički program, a na našim fotografijama možete osjetiti djelić te atmosfere.



30.12.2014. Tradicionalno povodom Novogodišnjih praznika Naš Dom posjetili su učenici i profesori Osnovne muzičke škole iz Travnika. Oni su za nas, s puno ljubavi pripremili bogat kulturno- umjetnički program, sa željom da staru ispratimo a i novu dočekamo pjesmom. Naravno kada se čuju zvuči sevdaha malo ko ostaje ravnodušan naša Sabiha, Mujo, Željka, Jasmina zapjevali su, a ostali su ih uz osmjeh i aplauze podržali i pridružili im se. Naravno ni ovog puta kolce nije izostalo. Sa nama su bili predstavnici Agencije za promociju DAN. Hvala gostima, bilo je ovo usitnu divno prijepodne.

Moglo bi se reći da je posljednja nedjelja decembra mjeseca, nedjelja darivanja u "Našem Domu":

- Dodeljeni su Novogodišnji paketići djeci uposlenika Doma.
- I ove godine nisu zaboravljeni uposlenici koji su otišli u zasluženu penziju, oni su od svog Kolektiva dobili novogodišnji vaučer sa željom da svoje penzionerske dane još dugo provedu uz dobro zdravlje i ličnu sreću svojih najmilijih.
- Uposlenicima je uručen i promotivni materijal Doma (kalendari, olovke, upaljači...)



## Čestitka u ime korisnika za kolektiv "Naš Dom"

*Godina koja dolazi veliki je jubilej za sve nas. Naime, obilježit će se 80 godina postojanja i uspješnog rada ove kuće.*

*Neizmjereno, hvala vam uposlenicima "Naš dom" Travnik.*

*Svojom brigom i pažnjom svakodnevno dijelite sa nama: radost, tužu, bol i smijeh, uvijek ste tu za nas.*

*Želimo da vam ova nastupajuća kao i waka naredna godina koja dolazi prije svega donese mnogo zdravlja, lične sreće, ljubavi i para.*

*Veselite se malim stvarima, jer velike će doći u pravo vrijeme.*





NAŠ DOM d.o.o. Travnik  
ul. Tvornička br. 68.  
Tel: +387 30 517 510  
Fax: +387 30 517 530  
E.mail: [administracija@nasdom.ba](mailto:administracija@nasdom.ba)